

佛說一切功德莊嚴王經

三藏法師義淨奉 制譯

如是我聞一時薄伽梵在王舍城羯闥鐸迦池竹林園中與大苾芻衆五百人俱菩薩摩訶薩千二百人皆得陀羅尼辯才無滯獲無染智遊無礙境善權方便攝引衆生觀察世

三

間心行平等饒益慈悲意樂純淨於諸佛所甚深妙法悉能詣問其名曰慈氏菩薩摩訶薩常勤勇菩薩摩訶薩平等住菩薩摩訶薩大慧菩薩摩訶薩無邊辯菩薩摩訶薩勇慧菩薩摩訶薩觀自在菩薩摩訶薩除疑菩薩摩訶薩如是等諸大菩薩摩訶薩而爲上首并諸釋梵護世四天王龍神八部及諸外道數有六千各將眷屬悉皆雲集此等大衆咸至佛所禮佛足已右遶三匝兩妙天花奏天音樂燒衆名香而爲供養余時大衆咸作是語善哉善哉如來教法具大威德有歸信者能斷煩惱作是語已各坐一面

尔時世尊入能斷惑離垢三摩地入此定時大地即便六種震動兩天細末微妙栴檀及妙天花在處弥布放大光明周遍世界若諸有情墮惡趣者蒙光得脫亦至一切天龍藥叉八部之衆所居宮殿無不明照聞天音樂及天妙香彼諸天神見不思議希有事已皆生是念誰作如是殊勝神力令地大動兩天香花放大光明照耀宮室作是念已平相告曰此是如來現大威德非餘天等能有斯瑞我等今者應往竹園詣世尊所禮拜供養聽聞妙法彼各持天噞鉢羅花拘物頭花分陁利花蘇健提花鼻陀羅花摩訶鼻陀羅花至世尊所頂礼雙足而爲供養兩衆天花弥滿大地積至于膝瞻仰尊顏合掌恭敬復有他方無量菩薩及執金剛菩薩莊嚴王菩薩并萬億諸天持呪神王見大光明各以威力作妙莊嚴香花音樂來至佛所并諸眷屬皆遶三匝虔誠合掌禮佛雙足爲供養已皆具威

儀退坐一面

尔時慈氏等諸大菩薩見諸大衆皆雲集已作如是念我觀大衆咸至佛所必當演說不可思議殊妙之法咸皆寂慮佇聽微言是時世尊知諸菩薩一切大衆心知所念即從定起告莊嚴王菩薩言善男子汝今宜去觀此

四

大地何所見耶時莊嚴王菩薩承佛教已從座而起即觀大地既遍觀已還至佛所禮佛雙足在一面立白佛言世尊我奉佛教觀此大地所有天一切大衆普皆雲集唯願慈悲爲諸衆生作饒益事

爾時佛告莊嚴王菩薩言汝當一心聽我所

所說我今當與六十四億有緣衆生授無上菩提記爾時執金剛菩薩即從座起合掌向佛白言世尊今有無量億數天龍藥叉及諸羅刹乾達婆阿蘇羅揭嚕茶緊那羅莫呼洛伽人及非人并諸外道悉皆來集世尊今正是時唯願爲說一切法功德莊嚴王經能銷

外道及諸有情墮於地獄餓鬼傍生長受諸苦然此衆生信心闕少樂著諸欲勤營俗務販賣諍訟於此經典必起謗心此等衆生命終之後墮八大地獄當受極苦

尔時衆中有八万人俱從坐起頂礼佛足白

佛言世尊我等深心信是經典尊重供養書

寫讀誦廣爲他說若有愚人不信此法由憮  
法故亦當歎罵輕凌於我我於尔時悉皆忍  
受報此經恩終無恨忿惟願爲說殊勝經典  
所以者何此妙經王於當來世利益衆生如  
佛無異作是語已退坐一面執金剛菩薩白  
佛言世尊云何菩薩摩訶薩求善知識佛言

善男子求善知識應當如是成就四法一者  
數往請問二者起精勤心三者意樂清淨四  
者尊重愛法執金剛菩薩白佛言世尊云何  
菩薩住阿蘭若佛言善男子成就四法住阿  
蘭若一者捨離俗家二者遠惡知識三者盡  
捨財物四者常攝自心

余時觀自在菩薩白佛言世尊我不見有聞  
此經人隨惡趣者世尊此經有大威德難可  
思量世尊若有難聞此經礼拜讚歎供養恭  
敬獲無量福何況書寫讀誦受持種種香花  
而爲供養及說法師以衣食等而爲供養如  
是之人一切諸佛共所護念爲其授記當得  
往生安樂世界如是法師與佛無異佛言善  
哉善哉善男子我亦供養如是法師亦爲授  
記當得生於安樂世界速趣菩提若復有人  
於諸佛所及此經典尊重恭敬以妙香花塗  
香末香衣服瓔珞種種音樂幢蓋繒幡而供  
養者此人終無非時橫死無有怨賊兵戰之  
三  
怖亦無父母妻子眷屬朋友知識憂患之苦  
有所希求無不遂意善男子諸佛出世其事  
甚難得聞是經更難於彼若斯經典所在之  
處城邑聚落蘭若林中及餘住處當知此地  
六  
即是諸佛世尊之所攝受

余時執金剛菩薩白佛言世尊觀自在菩薩

者以何因緣名觀自在世尊告曰常以淨眼觀察世間所有衆生慰喻成熟慈悲利益便得安隱若稱名者有所願求咸令滿足以是因緣名觀自在復白佛言若有衆生但稱觀自在菩薩名者尚得滿足所求之事何況有人供養如來及此經典書寫讀誦廣爲他說

衣服香花而爲供養此人得福無量無邊觀自前菩薩白佛言世尊此經大有威德能作佛事惟願世尊更爲哀愍諸衆生故爲說陀羅尼呪佛言善男子有陀羅尼名曰勝妙我昔爲菩薩時於勝妙世界妙音佛所與諸大衆共聞此陀羅尼呪既受得已證十地法無量衆生悉皆獲得無生法忍余時會中諸菩薩衆皆從坐起白佛言世尊唯願慈哀憐愍我等說此陀羅尼呪余時世尊以梵音聲即說呪曰

怛姪他逝也逝也逝耶縛訶上法縛訶逝也縛訶忽魯忽魯鉢頭摩引薛阿婆

磨梵謳薩囉薩唎泥去地哩地哩地囉地哩提婆額鉢利波泥去瑜陀噃多噃你鉢囉所羯囉你婆嚨你脯嚨也婆伽梵我名某甲由佛加護一切所求咸願圓滿一切罪業皆悉銷除 莎訶

佛言善男子此勝妙陀羅尼呪能除一切罪障能摧伏他軍永無飢饉疾疫災難病苦之事常能豐饒倉廩盈溢增益壽命此陀羅尼呪是諸佛母若有善男子善女人信心頂礼恭敬供養書寫讀誦受持此經亦復供養持經法師此人業障皆得消滅不遭橫死於現身中常受歡樂父母妻子朋友眷屬悉皆安隱所有願求無不遂意執金剛菩薩復白佛言世尊我亦敬心持是經典若復有人以妙香花并諸飲食供養此經及法師者我亦隨喜用心供養此經在其國土王及諸人我皆擁護令離衰惱所求遂願世尊我今發起勇猛之心爲彼國王及信受者亦爲宣說陀羅

尼況而爲擁護佛言善男子汝能爲諸衆生  
利益安樂說陁羅尼我當隨喜尔時執金剛  
菩薩以佛神力所加持故說此陁羅尼呪  
南麼薩婆勃陁 恒他揭多喃引南麼阿彌  
多婆也 恒他揭多也 南麼薩婆菩提薩  
摩喃引 南麼薩婆莫嚙地雞弊是也恒姪他  
虎呼謳 虎呼謳末底莫訶末底 跋折羅  
末底 姪栗茶跋折囉末底 恒他揭多  
阿奴鉢哩婆利帝 薩羅薩囉 阿瑜目企  
苾哩俱拔 毘俱多目企 訖栗閉訖波鹿  
計 薩帝反也 阿奴颯末囉薄伽梵跋折囉  
波你薩婆波跋羯磨齊也 我某甲自称所有  
願求皆得遂意當興我願以佛陀實語達摩  
實語菩薩實語聲聞實語莎訶

世尊若復有人欲入菩薩地願見諸如來樂  
生淨土及希富貴財寶豐盈無病延壽者應  
當持此微妙經典及以法師書寫讀誦香花  
伎樂衣服飲食繒蓋幢幡而爲供養如是之

三

人我當擁護所求願滿當起愛念猶如一子  
世尊若復有人稟性癡鈍欲求聰明及護國  
土令與無疾疫者當於白月八日起首一日  
斷食念誦此呪至十五日乃至月盡於中唯  
食三種白食謂白餅乳酪清淨澡浴誦此神  
呪滿十万遍若有力者蒲三十萬遍常可隨  
力供養三寶次令盡師受八戒齋身衣淨潔  
而盡其像於其鋪中安釋迦佛像處師子座  
作說法儀右邊安觀自在菩薩以諸嚴具而  
莊飾之於蓮華上立身有四臂右邊上手執  
梵本經下手執數珠左邊上手執白蓮華下  
手把君持左邊安執金剛神右手執金剛杵  
左手遙承杵頭顏貌和悅瓔珞嚴身於其四  
邊安護世四天王此等尊像皆以繒帶盛佛  
舍利剎在身中次於像前可作一壇隨時大  
小四面開門以牛糞塗拭種種香花散布其  
上香鑪五具別然五香所謂沉檀蘇合安息  
薰陸於壇四門各安兩瓶或盛清水或復盛

乳燈盞十六隨處安置懸繒幡蓋及衆音樂  
香水灑地香花飲食而爲供養於壇四角令  
人讀誦此經各各潔浴着鮮淨衣食三自食

其所爲人置花手中令彼合掌說所求事起  
慈念心隨情發願以花散佛有所願者皆得  
從心於七日中我當爲現殊勝相狀令見好

夢共其言語滿彼求心除不信者佛言善哉  
善哉汝能愍諸有情說此呪法

余時觀自在菩薩告執金剛菩薩言此妙經  
典難可值遇薄福衆生於其國內雖有此經  
不能得見亦復不能書寫讀誦聽聞受持何  
以故由有惡魔為障礙故復次善男子若有

惡業心無怖懼說無因緣我說者是餘皆非  
法樂營俗務貪染所纏如是衆生當墮地獄  
經無數劫受大苦惱

復次有種魔云何爲四一者貪着財物二者  
親近惡友三者障礙法師四者於法師說陳  
其罪過是等衆生由此業故當受貧窮不見  
善友遠離尊師作邪見想說無因果墮於地  
獄受諸劇苦佛告大衆我今再三實言告汝  
勿爲放逸輕此經典一心信受莫生誹謗余  
時世尊欲重宣此義而說頌言

我曾宣說衆經王 今更說斯真妙典 令諸衆生得正覺

汝聞恭敬善修行

衆生書寫讀誦此經典時有四惡魔而爲惱  
亂云何爲四一者情生懈怠二者起不信心  
三者於法師處不生尊重四者心不能定此  
人即應知是魔事復有四種惡魔之業云何  
爲四一者遠離善知識二者不如理作意三  
者不解文字四者唯見現在言無未來造諸

勿受當來極苦痛 惱在地獄經多劫  
能於此經生信心 又復供養此經者  
現無羅刹鬼神欺 若此經王所住處  
所有求願悉隨心 安樂能至菩提岸

尔時四天王聞此頌已悲泣流淚舉身戰掉  
礼佛雙足白佛言世尊我等四天王若見守  
持此經法師我當供養彼說法時及諸聽衆  
皆當覆護若有國王於此經典書寫讀誦受  
持供養者我當擁衛及彼國人由如一子亦  
以衣服瓊珞而爲給之令彼國界豐饒財寶

+

無所闕乏若戰陣時常令得勝念報佛恩我

+

無懈怠世尊若復有人聞此經典不生信心

供養法師者我於是人無有方便能爲救脫

但生憂懼佛言善哉善哉汝護正法能生如

是殷重之心

余時持國天王卓達婆主從坐而起頂禮佛

三

足合掌恭敬白佛言世尊當來之世有諸衆

生常行不善不信如來於此經典不能供養

書寫讀誦亦不行施不信布施有現世樂報

世尊大慈爲如是等不信人故說此經典令

被受行佛言善男子有二種事令諸衆生墮

大地獄生死輪迴一者姪欲二者瞋恚復有

四法令諸衆生生人天中云何爲四一者於

諸衆生心行平等二者於三寶所起慇重心

三者所有資生皆悉能施四者堅持梵行無

所有缺尔時世尊欲重宣此義而說頌言

布施能有大威神

於三惡趣拔衆生

衆生憚貪癡所惑

種種染欲惱其情

聞此經典不敬受

於佛法中無信施

捨身當墮於惡趣

捨身當墮於惡趣

饑益國王及人民

令離惡病衆邪惱

若有信心書寫人

一切衆生智如佛

若有經於多劫數

不如於此妙經王

持前功德比此福

是故智人於此經

多劫說福不能盡

供養一切諸菩薩

轉時信心書一字

此爲億劫不及一

一心奉行無懈怠

余時觀自在菩薩白佛言世尊當來之世若

有善男子善女人於此經典深生敬信以妙

香花及諸飲食衣服卧具咸悉供養說法之師及寫此經讀誦之者此人現世必當獲得無量福利饒益其身離諸病苦眼等六根清淨無患不遭水火飢饉厄難亦無惡毒之所中傷一切有情見者歡喜命終之時見不動佛來相慰諭告言善男子汝修善根其福無量十方淨土極樂世界隨意受生

余時觀自在菩薩白佛言世尊善哉善哉世尊欲哀愍瞻部州中諸衆生故說此經典當來之世廣作佛事利益利生此大明呪能除一切極重業障佛言善男子惡業衆生其罪深重不聞此經不能書寫受持讀誦若有衆聞此經典書寫受持尊重供養當知皆是佛之威神力故若復有人於此經典能爲他人說一字者供養此人與佛無異何以故善男子此經乃是過去七千諸佛之所宣說一切菩薩悉皆隨喜諸天擁護是菩薩母

余時執金剛菩薩白佛言世尊此之經典於

未來世當於何處具足流通佛言善男子此經當於海龍王宮及三十三天皆具足有瞻部州中但有少分隨處流通佛言善男子我今以此經典付囑於汝應當受持供養擁護與佛無異在處流通勿於斷絕利益衆生廣爲佛事執金剛菩薩白佛言世尊我今受佛教勑流布此經亦復護彼持經法師佛言善哉善哉善男子此實是汝所作之事

復次觀自在菩薩白佛言世尊我今至誠敬禮如是微妙經典於說法者及書寫人悉皆供養世尊若有薄福之國無道君王設有此經不能供養及以法師此經隱沒彼國當有

三  
十二  
灾難惡事禍變現前如是當知正法欲滅智者見已殷心供養佛言善哉善哉善男子如汝所說假使有人滿足十歲以種種樂具供養諸大菩薩及聲聞衆數若恒河沙復以七寶同此沙數而爲布施後捨自身善男子如是之福比於供養持經之福乃至一句一字

百千万分彼不及一何況盡書寫讀誦何以

故此經及呪有大威力若受持者了身無堅

如幻如夢知法無我蒙佛授記得大菩提

余時大衆一切菩薩及天龍藥叉阿蘇羅揭  
路茶人非人等皆共一心同聲讚佛善哉善哉  
此是第二轉大法輪我當悉皆恭敬供養

此經所在國土城邑亦當擁護并說法者若  
有衆生謗此經者現身獲得無量重罪命終  
之後當墮地獄我捨是人不爲擁護佛言善  
男子我今亦以經典付囑於汝當來之世廣  
爲宣揚勿令斷滅此經有大利益安樂人天  
增長福田離三惡趣勿生疑惑常勤受持佛  
說此經時六方四千人皆得無生法忍

觀自在菩薩復白佛言世尊若有衆生信心  
書寫受持讀誦供養此經者此人命終當生  
何處得幾所福佛言善男子汝能問此殊勝  
福事此人命終永離惡趣常生淨土假使有  
人行菩薩行捨頭目手足及以妻子亦復不

如持此經典此經在處其地方所則爲是塔  
皆應供養

觀自在菩薩復白佛言世尊當來之世持此  
經者我爲授記消滅五逆極重罪障九万劫  
中常受富貴於八万劫作轉輪聖王佛言如  
是如是善男子我億過去無量劫時有佛世  
尊名無邊功德法智清星宿王如來我於余  
時作婆羅門於彼佛所得聞此經受持讀誦  
得法眼淨其同聽者從是已來不墮惡趣漸  
次當得無上菩提善男子我於無量曠大劫  
中爲此法故捨諸財寶頭目手足妻子城邑  
修淨梵行無悔懶心汝等亦當如是修習是  
時大衆聞說過去苦行之事咸皆泣淚白佛  
言希有世尊當來之世有能受持讀誦供養  
此經典者得無量福若有苾芻苾芻尼鄒波  
索迦鄒波斯迦等於此經王不能讀誦陁羅  
尼呢不肯受持亦復不能勤修六度於苦惱  
者無憐愍心如是之人於無量劫墮生死海

卷三

十三

受諸苦惱善男子譬如婦人身懷重孕乃至十月時此婦人加諸病苦支節酸疼猶如刀解不能飲食欲產之時受大劇苦作如是念我若免難永不婬欲常修梵行纔產之後還行惡法便忘先時苦切之患善男子當來之出愚癡衆生亦復如是不信此經亦不讀誦布施持戒忍辱精進修定修慧貪著俗情樂世間事不行三業清淨之因此等衆生墮地獄已始生悔心如懷孕婦人身遭極苦受苦惱已從地獄出既得人身耽五欲樂其地獄苦不能記念還造惡業善男子譬如有人多飲藥酒飲已昏迷不知家處佛法僧寶父母妻子曾不憶念無參敬心由昏醉故遂往屍林險難之處亦無怖畏惶懼之心作如是念豈有天龍藥叉之類能怖於我如是醉人雖於此時委卧荆棘便生樂想醉醒之後必懷追悔自知非法言我從今乃至命盡更不飲酒作衆過失後遇惡緣還復耽飲同前造過

愚癡有情亦復如是由貪染故多畜珍財作諸惰逸不念三寶棄背尊親亦不修行施戒忍等不欲希求淨佛國土此等有情常處生死無涯海中當墮地獄長受衆苦設得爲人處胎之時受衆苦惱被苦逼身便作是念我若得免此厄難者更不作罪受斯極苦恒修善業願生淨土彼得人身由愚癡故作衆罪業還墮惡道是故汝等當善修行勿爲放逸是我要略之所教誠

介時具受阿難陀白佛言世尊此經復何名云何受持佛言此經凡有五名一名救一切衆生菩薩二名菩薩真實所問三者神通莊嚴王四名能成諸佛正覺五名一切法功德莊嚴王佛說是經已諸大菩薩及聲聞衆天龍藥叉阿蘇羅乾闥婆人非人等皆大歡喜信受奉行

佛說一切功德莊嚴王經

延聖院比丘清滿書